



Adresa: **Ul. H. Čemerlića 39a**
71000 Sarajevo
<http://www.voda.ba>

tel. +387 33 726 415

fax. +387 33 726 423

e – mail: info@voda.ba

Broj: **UP-1/21-1-40-033-5/23**

Datum: 24.04.2023. godine

„Agencija za vodno područje rijeke Save“ Sarajevo rješavajući po zahtjevu pravnog lica JP „Elektroprivreda BH“ d.d. Sarajevo, podružnica „Elektrodistribucija“ Tuzla, izdavanje prethodne vodne saglasnosti za izgradnju srednjenaponskog 10(20) kV voda u dijelu trase kroz vodno dobro i preko mosta na rijeci Spreči u Lukavcu, na osnovu člana 109. stav (1) tačka 10. Zakona o vodama („Službene novine Federacije BiH“, broj 70/06), člana 16. tačke 10. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj 31/15, 55/19, 41/20 i 63/22) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), **donosi**

RJEŠENJE **o prethodnoj vodnoj saglasnosti**

1. Daje se prethodna vodna saglasnost pravnom licu JP „Elektroprivreda BH“ d.d. Sarajevo, podružnica „Elektrodistribucija“ Tuzla, za izgradnju podzemnog srednjenaponskog 10(20) kV voda KSF6 10(20) /0,4 kV „Koksara Polje“- KSF6 10(20) /0,4 kV „Asfaltna baza Puračić“, koji se gradi u svrhu napajanja trafostanice u dijelu trase kroz vodno dobro i preko mosta na rijeci Spreči u Lukavcu.
2. Prethodna vodna saglasnost se daje na osnovu pregleda dokumentacije i pod slijedećim uslovima:
 - 2.1 Izraditi investiciono-tehničku dokumentaciju za prelazak trase srednjenaponskog voda preko mosta i kroz vodno dobro rijeke Spreča na lokalitetu „Koksara Polje“-„Asfaltna baza Puračić u Lukavcu, a sve u skladu s propisima za ovu vrstu radova, odnosno za izgradnju optičke mreže kroz vodno dobro i prelaz preko vodotoka koristeći konstrukciju mosta na rijeci Spreči.
 - 2.2 Projektnom dokumentacijom jasno definirati trasu srednjenaponskog voda u odnosu na vodotok rijeke Spreča s obzirom da je trasa srednjenaponskog voda preko rijeke Spreče i prelaz preko vodotoka planirana unutar linije vodnog dobra rijeke Spreča.
 - 2.3. Sagledati sve moguće neželjene uticaje na režim površinskih i podzemnih voda, objekte i postrojenja, stečena prava korisnika, postojeću infrastrukturu, naselja i sl., te dati prijedlog mjera za uklanjanje, odnosno sprječavanje tih uticaja, linije dopiranja velikih stogodišnjih voda (1/100) ili isprojektovati mjere zaštite od štetnih posljedica od voda u protivnom sve posljedice će snositi podnosilac zahtjeva.

- 2.4. Projektnom dokumentacijom detaljno definisati i prikazati način postavljanja srednjenaponskog voda na konstrukciju mosta preko rijeke Spreča i zaštita istog.
- 2.5. Način ukrštanja srednjenaponskog voda sa postojećim vodovodnim i drugim instalacijama treba da se projektuje u skladu sa tehničkim propisima za ovu vrstu radova i prema uslovima i saglasnostima organizacije koja upravlja navedenim sistemom.
- 2.6. Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova, te ekološko-ekonomskih zahtjeva.
3. Ovu prethodnu vodnu saglasnost će Investitor koristiti u postupku pribavljanja urbanističke saglasnosti i ona definiše sve uslove koje Investitor treba ispuniti u projektnoj dokumentaciji, u skladu sa Zakonom o vodama.
4. U postupku pribavljanja urbanističke saglasnosti i odobrenja za gradnju podnosilac zahtjeva će riješiti imovinsko-pravne odnose sa pravnim licem u čijoj je nadležnosti .
5. Nakon izrade projektne dokumentacije u skladu sa uslovima iz ovog dispozitiva, a prije pribavljanja odobrenja za građenje, Investitor je dužan zatražiti vodnu saglasnost na projektnu dokumentaciju, a sve u skladu sa Zakonom o vodama („Službene novine Federacije BiH“, broj 70/06) i Pravilnikom o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, br. 31/15, 55/19, 41/20 i 63/22).
6. Uz zahtjev za izdavanje vodne saglasnosti za izgradnju srednjenaponskog voda preko rijeke Spreče i kroz vodno dobro rijeke Spreče, na lokalitetu „Koksara Polje“-„Asfaltna baza Puračić u Lukavcu, pored investiciono-tehničke dokumentacije iz tačke 1. dispozitiva, Investitor treba dostaviti kopiju urbanističke saglasnosti, dokaz o uplaćenju upravnoj taksi u iznosu od 60,00 KM i 3,0 KM administrativne takse na zahtjev.
7. Prethodna vodna saglasnost se daje sa rokom važenja od tri (3) godine od dana pravosnažnosti ovog rješenja.

Obrazloženje

Ministarstvo poljoprivrede, šumarstva i vodoprivrede aktom broj 04/2-11-21-913/23 od 23.01.2023 godine prosljedilo je na nadležno rješavanje zahtjev pravnog lica JP „Elektroprivreda BH“ d.d. Sarajevo, podružnica „Elektrodistribucija“ Tuzla, za izdavanje prethodne vodne saglasnosti za izgradnju podzemnog srednjenaponskog 10(20) kV voda KSF6 10(20) /0,4 kV „Koksara Polje“- KSF6 10(20) /0,4 kV „Asfaltna baza Puračić“, koji se gradi u svrhu napajanja trafostanice u vodnom dobru i preko mosta na rijeci Spreči u Lukavcu.

Uz zahtjev investitor je dostavio sljedeće:

- Ovjerena kopija Rješenja o izmjenama podataka u sudskom registru, broj: 065-0-Reg-16-001316, izdanog dana 19.05.2016. godine od strane Općinskog suda u Sarajevu;
- Kopija uplatnice upravne pristojbe;
- Ovjerena kopija Uvjerenja o registraciji/upisu u Jedinstveni registar obveznika indirektnih poreza, izdanog od strane Uprave za indirektno-neizravno oporezivanje Banjaluka, dana 01.08.2007 godine pod brojem 04/1-UPP//1-7160/07;
- Ovjerena kopija Uvjerenja o poreznoj registraciji, izdanog od strane Federalnog ministarstva finansija – Porezne uprave – Kantonalnog poreznog ureda Sarajevo, dana 17.08.2005. godine;
- Ovjerena kopija Rješenja broj: UP-01-02.3-23-262/21-MH od 27.12.2021. godine, kojim se daje odobrenje investitoru JP „Elektroprivreda BH“ d.d. Sarajevo, podružnica „Elektrodistribucija“ Tuzla, za izgradnju cijevne kanalizacije (za potrebe telekomunikacionog kablo) u cestovnom pojasu m podzemnog srednjenaponskog 10(20) kV voda KSF6 10(20) /0,4 kV „Koksara Polje“- KSF6 10(20) /0,4 kV „Asfaltna baza Puračić (prilog u studiji);

- „Studija za izdavanje prethodne vodne saglasnosti za podzemnog srednjenaponskog 10(20) kV voda KSF6 10(20) /0,4 kV „Koksara Polje“- KSF6 10(20) /0,4 kV „Asfaltna baza Puračić, urađena od strane ovlaštenog pravnog lica „PGP HIDROINŽINJERING“ doo Tuzla, januar 2023. godine,

U skladu sa članom 124. stav 1. Zakona o vodama («Službene novine Federacije BiH», broj 70/06) o zahtjevu je dana 02. 02.2023. godine obaviještena javnost putem obavještenja na oglasnim pločama «Agencije za vodno područje rijeke Save» u Sarajevu te dana 01.12.2023. godine u dnevnom glasilu «OSLOBOĐENJE». U ostavljenom roku nije bilo pisanih izjašnjenja o predloženim aktivnostima iz zahtjeva.

Nakon uvida u dostavljenu dokumentaciju konstatovano je da ne postoje smetnje da se Investitoru izda tražena prethodna vodna saglasnost uz propisane uslove koji se trebaju ispoštovati prilikom izrade projektne dokumentacije a koja je podnosiocu zahtjeva potrebna u postupku pribavljanja vodne saglasnosti i odobrenja za građenje definirane tačkom 2. ovog rješenja, a shodno odredbama člana 96. stav (1) tačka 18. i člana 128. Zakona o vodama („Službene novine Federacije BiH“, broj 70/06).

Uzimajući u obzir naprijed navedeno, a shodno odredbama člana 111. Zakona o vodama, te člana 5. Pravilnika o sadržaju, obliku, uslovima, načinu izdavanja i čuvanja vodnih akata, riješeno je kao u dispozitivu ovog rješenja.

Podnosilac zahtjeva je uplatio upravnu taksu u iznosu od 80,00 KM u skladu sa članom 7. stav 1. tarifni broj 43. Zakona o federalnim upravnim taksama («Službene novine F BiH», broj 6/98), te troškove oglašavanja u iznosu 188,37 KM u printanom mediju na nivou BiH.

UPUTA O PRAVNOM LIJEKU

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema Rješenja. Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Behija Ahmedić, dipl.inž.tehn.

Po ovlaštenju
Rukovodilac sektora za izdavanje vodnih akata



Haris Ališehović, dipl.inž.građ.

Dostaviti:

- JP „Elektroprivreda BH“ d.d. Sarajevo, podružnica „Elektrodistribucija“ Tuzla, Rudarska 38, Tuzla
- AVP Sava – ISV - Vodna knjiga
- Sektor 40 – Arhiva
- Oglasna ploča AVP - Sava